

**Immaqmik Aturiagani laisiuyumik tuukhiqnigagut
Kapihiliqtumi Havaaq 2 Havaami
Nutaaguqtiqnigani nagautaa 2 atuqtukhami 2AM-DOH1323-mi nutaamiklu
laisiuyumik atuqtukhami 2AM-BOS-----mi**

**NUNAVUVUMI IMMALIQUIYIT KATIMAYIT NUTAUNIQHANIK KATIMAJUTIQAQTUT
Iqaluktuutiami, May 14-mit 15-mut 2018-mi**

Kapihiliqtumi Havaaq hugayaaqtuni uyaqani ittuq qanituani 80-kilaamitamik takiniqaqtumik ilagani Kapihiliqtuup Kagiqhuani Taqyumi Kiiliniqmit Ahiavlu akunganiitumi Qitiqmiuni nunami Nunavumi. Qanituaniituuq 150-kilaamitamik hivuraani ualiqhiani Iqaluktuutiap. TMAC-kut uyaraqtaqtit taja uyaraqtaqtut kuulmik Doris North-mi, iniaqtaqtuq tunuungani ihuani uyaraqtaqvikhap, uqautauyumik Havaaq 1-mik havaami. Tuukhiqtuutit ihumalikurutauyut Havaaq 2-mik piqaqtuqulu upalugaiyautinik uyaraqtaqvuyaaqani kuulmik Madrit Tunungani, Madrid Hivuraani, Boston-milu, qanituani 9, 10, 60-kilaamitanik ugahikniqaqtut hivuraagni Doris North-mit Kapihiliqtuomit. Malruuk atuni immaqmik aturiagani laisiuyunik tuniugaluaqtilugik tukhigaayut NWB-kunit, havaamik upalugaiyaut ilagiyaayuq tamaitalu uyaraqtaqviit atuqmata atautinik hanahimayunik piqutinik.

Nunaqaqaqtunik Ukiuqaqtumilu Havaaguyunik Kanatami nutauniquhanik ihivriuhuyut tuukhiutinik tunihivlutiklu uquahiqmiknik ilaqaqhutik hivunihijutikhanik tuukhigaayunik atuliquyaayuniklu. TMAC-kut kiuhiimayut ukuniga uquahiqnik ilaayugulu Nunavumi Immaliqiyit Katimayit nutauniquhanik katimajutigiyaini takutivluta uqaqatiriigiatikni uqautauhimayunik. Ukua aviktulaaqttut talimanut atuniitini:

- 1) **Igluqpaqaqvikmi immaqmik munarijutinik:** Malruuknik apiqutiqaqtugut ukuniga igluqpaqaqviup agitilaaganik qanuraalukni immaqmik atuqtauniamagaa. Pigahuut uquahiuyut pijutiqaqtunik akyaqniginik taquqnitut uyaraqtaqvikmit immaq, atuqniaqtuq ukunani tuuqhuani. Ilagiarutit uquahiuyut pijutiqaqtut havakvikmit immaqnik halumaqtiriviknik ilagaqtiriagani uyaqiqijutit immauyut uyaqiqivikmit, qanurituunigit immaqqaqviit hanayauhimayut nalaumaniganiklu nahautini atuqtumik nalautariagani immauyut kuuknigit qanuraaluklu.
- 2) **Atagunik munarijutinik:** Pigahut uquahiuhimayut pijutiqaqtunik atagunik iqaguniklu uyaqanik iliyauniaqtunik nunap iluanut uyaraqtaqviknut. Aipagik malruuk uquahiuyuk pijutiqaqtuuk umiktautaaqat qanurilivalianikhaa Doris-mi ataguuqvikmik nunamik Boston-milu atagunik munariviuyuq nuna.
- 3) **Iqagunik Munarijutinik:** Atauhiinaq apiqutauhimayuq pijutiqaqtumik hunauliqat hauyivikhaq hanayauniaqmagaa kagiqhiyaagani qanuq havaaqarumayuq munariniaqmagaa aanirutaalimagitut iqaguriyatik.
- 4) **Umiktiqniga kiklimaktiqnigalu:** Tuukhiqhimagayut hivunihivaalirutikhanik aturiaqaqtunik umiktiqnigagut upalugaiyaunmi, aktuqniginiklu hilaap aalaguqpalianiganit umikhimayumi igluqpaqaqvikmik hivunikhami.

- 5) **Ilagiarutit hunavaluit:** Ilagiarutinin ihumaluutinin ilaqaqtut qafiuniginik immaqnik aturiami laisiuyunik Kapihiliktuumi Uyaraqtaqvikhami, naunairiagani qaliriigitaagani havaamikluniit aviktuqniginik. Tuukhiqhimayugulu ilaginin aalagurutikhanik Immaqqaqniginik Aktuqniginut Amirijutinin Upalugaiyaunmik. Kiguliq uqauhiuyuq kiklimaktiqnigagut akituniganik nalautaaqtauyuq, atuqtauhimakmat iniriagani qulaqnaiyautinin piqariaqaqniganik immaqnik aturiagani laisiuyumi.

Havakviuyuq naluhuiqtut ukua ihumaluutauyut uqautauhimayut ihuaqhalaagtait, ihuaqhaqnialu TMAC-kut naamagiyainik havakviuyumit hivuani Inuknik Naalaktitigiaqtinagit.